

UNIVERZITET U SARAJEVU
PEDAGOŠKI FAKULTET SARAJEVO

Na osnovu člana 103. Zakona o visokom obrazovanju ("Službene novine Kantona Sarajevo" broj: 33/17, 35/20, 40/20 i 39/21), člana 201. i 202. Statuta Univerziteta u Sarajevu (broj: 01-1093-3-1/18 od 28. 11.2018. godine, Odluka Vijeća Univerziteta u Sarajevu–Pedagoškog fakulteta broj: 01-69/20 od 21. 1. 2020. i broj: 01-1704/20 od 14. 10. 2020. godine, Odluka Senata Univerziteta u Sarajevu, broj:01-3-58/20 od 26. 2. 2020. godine i broj: 01-23-79/20 od 28. 10. 2020. godine i na osnovu Odluka Vlade Kantona Sarajevo, broj: 02-04-41477-15/21 od 18. 11. 2021. godine i broj: 02-04-44803-10/21 od 9. 12. 2021. godine raspisuje se:

KONKURS
za izbor akademskog osoblja

1. Nastavnik u zvanju docenta za predmete–Intelektualne teškoće, Inkluzivna edukacija, Poremećaj autističnog spektra, Profesionalna rehabilitacija, Edukacijsko-rehabilitacijska procjena, Rana edukacijsko-rehabilitacijska intervencija, Specifične teškoće u učenju, Individualni edukacijski programi, Metodika rada sa djecom sa lakim intelektualnim teškoćama, Specijalna edukacija i rehabilitacija

1 izvršilac –puno radno vrijeme;

2. Nastavnik u zvanju docenta za predmete- Metodika nastave kulture življenja, Metodika nastave kulture življenja I, Metodika nastave kulture življenja II

1 izvršilac –puno radno vrijeme;

3. Saradnik u zvanju asistenta za predmete: Osnove logopedije, Razvoj govora, Rehabilitacija govorno-jezičkih poremećaja, Alternativna i augmentativna komunikacija, Govorno-jezički poremećaj, Senzorna integracija, Specifične teškoće u učenju

1 izvršilac –puno radno vrijeme;

4. Saradnik u zvanju asistent za naučnu oblast Tiflogologija

1 izvršilac –puno radno vrijeme;

5. Saradnik u zvanju asistenta za predmete: Metodika likovnog odgoja I-IV, Metodika nastave likovne kulture I-IV, Likovna kultura i Likovna radionica

1 izvršilac –puno radno vrijeme

Pored opštih uslova propisanih Zakonom o radu FBiH, potrebno je da kandidat ispunjava uslove iz člana 94, 96. 100. 103. 115. Zakona o visokom obrazovanju ("Sl. novine Kantona Sarajevo" br. 33/17, 35/20 I 40/20, 39/21) i uslove iz članova 193. 194. 200. 202. i 203. Statuta Univerziteta u Sarajevu.

Uvjeti koje kandidati treba da ispunjavaju za izbor u naučnonastavna zvanja su:

- **docent:** naučni stepen doktora u datoj oblasti, najmanje tri naučna rada objavljena u priznatim publikacijama koje se nalaze u relevantnim naučnim bazama podataka, pokazane nastavničke sposobnosti,
- **asistent:** završen ciklus studija koji se vrednuje sa najmanje 300 ECTS bodova i sa najnižom prosječnom ocjenom 8 ili 3,5

Kandidati za izbor u akademska zvanja uz prijavu na konkurs obavezno prilažu u papirnoj formi (od tačke **a** do **j**) i elektronskoj formi:(tačka - **a**):

- a. biografiju (CV) i spisak objavljenih naučnih/umjetničkih radova, projekata, patenata ili originalnih metoda iz oblasti za koju se vrši izbor kao i same radove,
- b. diplomu o stečenom naučnom stepenu doktora nauka ili diplomu o završenom III. ciklusu studija – original ili ovjerenu fotokopiju
- c. diplomu o stečenom naučnom stepenu magistra ili diplomu o završenom II ciklusu studija sa dodatkom diplomi – original ili ovjerenu fotokopiju
- d. diplomu o završenoj odgovarajućoj visokoj stručnoj spremi (VSS) ili diplomu o završenom I. i II. ciklusu studija sa dodatkom diplome - original ili ovjerenu fotokopiju
- e. prijevod/i gore navedene/ih diplome/a – original/e ili ovjerenu/e fotokopiju/e
- f. rješenje/a o priznatim inostranim visokoškolskim kvalifikacijama ukoliko su gore navedene diplome/a stečene – van područja BiH - original/e ili ovjerenu/e fotokopiju/e
- g. dokaz o pokazanim nastavničkim sposobnostima, original ili ovjerena kopija
- h. podatke o nagradama i priznanjima u vezi sa odgovarajućom naučnom/umjetničkom oblasti, ukoliko ih kandidat posjeduje, original ili ovjerena kopija
- i. izvod iz matične knjige rođenih-original ili ovjerena fotokopija
- j. uvjerenje o državljanstvu original ili ovjerena fotokopija

Napomena:

- Navedena dokumentacija u papirnoj formi se dostavlja u originalu ili ovjerenoj kopiji.
- Kandidati koji su diplome stekli u inostranstvu prilažu rješenje o nostrifikaciji diplome, odnosno rješenje o priznavanju stečene inostrane visokoškolske kvalifikacije ili potvrdu da je pomenuti postupak pokrenut.
- Naučni radovi, smatrat će se relevantnim ukoliko su objavljeni u domaćim ili međunarodnim priznatim publikacijama koje se nalaze u naučnim bazama podataka definiranim u registru relevantnih naučnih baza podataka, koji se uspostavlja u skladu sa zakonom.
- Naučni rad kao uvjet za izbor u akademsko zvanje smatra se objavljenim ukoliko je u elektronskoj ili printanoj formi dostupan javnosti prije isteka roka za predaju prijave na konkurs za izbor u akademsko zvanje.

- Naučni rad može se smatrati objavljenim i u slučaju kada je od izdavača časopisa izdata zvanična potvrda/obavijest da je rad prihvaćen za objavu sa naznakom datuma objave naučnog rada, a kao datum izdavanja rada smatra se datum izdavanja takve potvrde odnosno obavijesti. Potvrdu/obavijest da je rad prihvaćen za objavu sa naznakom datuma objave naučnog rada kandidat obavezno prilaže i dostavlja u svojoj aplikaciji na konkurs. U navedenom slučaju izabrani član akademskog osoblja je obavezan najkasnije sedam dana od datuma određenog za objavu naučnog rada dostaviti dokaz rukovodiocu organizacione jedinice da je rad objavljen. Ukoliko član akademskog osoblja ne dostavi dokaz da je rad objavljen, rukovodilac organizacione jedinice će pokrenuti postupak oduzimanja akademskog zvanja analogno postupku propisanom u članu 208. Statuta Univerziteta u Sarajevu. U postupku izbora u akademska zvanja, kao rad koji je objavljen u skladu naprijed navedenim uslovima, mogu se prihvatiti najviše dva naučna rada.
- Pokazane nastavničke sposobnosti kandidata ocjenjuju se na osnovu rezultata evaluacije u skladu sa odredbama Statuta Univerziteta u Sarajevu i općeg akta koji donosi Senat, održanih predavanja na drugim univerzitetima, ocjena angažiranosti nastavnika u razvoju i inoviranju nastavnog programa, zainteresiranosti studenata za izbor predmeta, uspjeha u napredovanju nastavno-naučnog podmlatka i sl.
- Kandidat za izbor u akademsko zvanje docenta koji nije sudjelovao u realizaciji nastavnog procesa obavezan je da održi pristupno predavanje iz nastavnog predmeta ili uže naučne odnosno umjetničke oblasti za koju je konkurirao. Pristupno predavanje održava se pred studentima fakulteta/akademije na kojem/kojoj se provodi postupak izbora i komisijom za pripremanje prijedloga za izbor. Pristupno predavanje održava se za studente one akademske godine (odnosno usmjerenja) na kojoj se izučava nastavni predmet odnosno uža naučna ili umjetnička oblast. Pristupno predavanje kandidat će obaviti u prisustvu članova Komisije za izbor. Vrijeme i mjesto održavanja pristupnog predavanja vijeće fakulteta/akademije javno oglašava na oglasnoj ploči fakulteta/akademije. Uspješnost pristupnog predavanja kandidata ocjenjuje Komisija za pripremanje prijedloga za izbor uzimajući u obzir rezultate ocjene predavanja od studenata. Studenti daju ocjenu o pristupnom predavanju kojem su prisustvovali na temelju vrednovanja sposobnosti kandidata da izloži materiju iz ugla razumljivosti i metodološke prilagođenosti slušaocima i tu ocjenu uvažava komisija i sastavni je dio izvještaja koji se dostavlja vijeću fakulteta/akademije.

Sa izabranim kandidatom zaključit će se Ugovor o radu na period na koji je izabran u skladu sa članom 94. Zakona o visokom obrazovanju.

Konkurs ostaje otvoren 15 dana od dana objavljivanja.

Nepotpune i neblagovremene prijave neće se uzimati u razmatranje.

Prijave sa dokazima o ispunjavanju uvjeta predviđenih konkursom podnose se lično ili putem preporučene pošte na adresu:

Univerzitet u Sarajevu-Pedagoški fakultet

Sekretarijat

Sa naznakom „Prijava na konkurs za izbor akademskog osoblja“

Skenderija 72, 71 000 Sarajevo

Dotadne informacije o konkursu mogu se dobiti na tel: +387 33 20 45 49